

稀見

三十里王女祠在縣南五十里洞門崇四尺闊三尺
 水因破處矣此水既白致兩疑恐後復取爲之調
 亦符詩曰飲之使人壽藏之恐其竭也
 司馬維防竟無古人說
 北五里自縣界入界由河泉在縣西北五里合渭水
 來入終南山北流經韓水在縣西北五里合渭水
 芒水在縣東南三十里出南山北流經王女祠入渭
 渭水在縣東南三十里出南山北流經王女祠入渭
 田谷河在縣東南三十里出南山北流經王女祠入渭

縣志卷之三

在縣東南三里白龍泉在縣北流
 里北流三里求女泉在縣南五里
 之牛池廣二畝餘冬夏不涸
 金龍潭上有寺二黑編年
 可測不望仙澤在縣南
 雲氣如鍾水經
 通縣及省祖廟通遇
 塞我山坊其北爲縣

黃秀文

吳平

華東師範大學圖書館藏

稀見方志叢刊

華東師範大學圖書館藏



北京圖書館出版社

華東師範大學圖書館藏稀見方志叢刊
一一

黃秀文 吳平 主編

北京圖書館出版社

江都縣志卷之八

人物

生民夥矣碌碌者與草木同盡耳採輿論行直
道有美必傳無微不著寧徒侈山川鍾毓之靈
已哉志人物

忠節

孝友

名儒

篤行

卷九

文學

武勲

隱逸

方技

流寓

仙釋

卷十 卷十一 卷十二

列女

江都縣志卷之

人物

忠節

漢臧洪字子源幼舉孝廉太守張超辟爲功曹董卓弑
帝洪說超與諸牧守討之大會酸棗洪攝衣升壇而盟
辭氣慷慨聽者感激泣下後諸軍遲疑莫進超乃使洪
與劉虞謀值路阻與其友陳容同寓袁紹紹以洪爲東
都太守曹操圍超于雍丘甚急超曰子源天下義士終
非背本者必來救我洪聞超圍果徒跣號泣從紹請兵

紹猶豫未決而城已陷不及救洪由是與紹絕紹興兵
圍之久不下使其邑人陳琳以書招之答曰晏嬰不降
志于白刃南史不屈筆以求存洪投命君親夫復何言
城陷生執洪紹盛會諸將見洪謂曰今日服未洪瞋目
曰惜洪力劣不能推刃爲天子報仇耳紹將殺之時陳
容在坐起謂紹曰將軍欲爲天下除暴奈何戮忠義紹
慚命牽出且曰汝非賊洪儔空復爾爲容顧曰夫仁義
豈有常所蹈之則君子背之則小人今日寧與賊洪同
死不與將軍同生也俱見殺在紹坐者無不竊嘆曰如

何一日殺二烈士

梁來疑廣陵人幼負奇節侯景陷臺山疑說廣陵太守祖皓起兵討逆皓領勇士耿光等百餘人襲殺景黨董紹先及皓敗疑與其兄弟子侄遇害者十六人

隋沈光爲折衝郎將煬帝之難光潛搆義勇與麥孟才錢傑等陰圖化及曰我等荷國厚恩不能死難又俛首事仇何用生爲吾必欲殺之死無所恨乃晨起襲化及營空無所獲惟執舍人元敏數人斬之賊兵四面圍合斬首數十級賊皆披靡化及將遣騎翼而射之光身無

介胄遇害麾下百餘人皆鬪死聞者莫不隕涕

來護兒字崇善幼多詭智好奇節賀若弼鎮常令爲間
謀以勞授都督平陳有功進上開府從楊素擊高智慧
于浙以輕舟薄其水營大破之追入閩越進位大將軍
刺泉州又敗盛道延殲汪文進賜爵公兼位柱國後征
遼率樓船入沮水遇高麗軍擊之平壤乘勝破其乳郭
明年再出滄海道擊楊元感奏捷進封榮國公十年又
率師至卑奢城高麗舉國來戰護迎擊斬獲甚衆高麗
震懼請降有詔還師護兒猶憤賊未盡滅長史崔君肅

固爭乃奉詔進開府儀同有子曰楷曰弘曰整俱列大夫字文化及之亂闔門死焉惟少子濟獲免入唐擢進士累官同中書門下高宗欲特置宸妃以寵武氏濟與韓瑗切諫乃止尋將以武爲后濟又切諫不聽因其黨于褚遂良坐貶再徙庭州西突厥入寇率兵拒守曰吾今乃得死所矣遂甲冑赴敵而死帝以爲忠節有父風贈楚州刺史

晉卞壺濟陰人兄弟六人並登宰輔世稱卞氏六龍父粹爲長沙王所害壺避難依徐州刺史裴盾爲廣陵相

壺狷介自持累官光祿大夫加散騎常侍蘇峻亂壺力
疾赴戰二子眵眵亦遇害母裴氏撫尸哭曰父爲忠臣
子爲孝子復何憾乎詔贈尚書令成陽公謚忠貞二子
皆贈顯秩

五代李重進太原人周太祖甥淮南節度使宋祖受禪
加重進中書令治城繕兵以拒命太祖攻之城陷舉族
自焚死

宋沈攸字子宜楊子人建炎二年賊詔青犯真州攸攝
楊子簿以所糾土兵禦之賊勢張甚攸挺身拒敵北門

死之

吳駿發少有投筆志紹定間李全攻揚州郡募良家子
守禦駿發挺身應之賊平由白衣補將校金兵入境以
轉戰有功累遷鎮江右軍統領金兵復據盱眙宋遣兵
攻之駿發爲前鋒建蜚弧先登勇氣百倍會金援兵至
死之事聞賜恤甚厚

張琰字汝玉身七尺修髯倜儻有節槩宋末補州牙兵
隨置制李庭芝潰圍赴行在敵追及之麾下鳥獸散琰
獨鬪死能詩多忠憤所發見谷音津

唐璟善謀能斷德祐間元人攻揚州璟爲民兵總轄率兵斷橋填堰謀決陳公塘以拒之時塘隸轉運司盜決者罪以死璟知勢危急待請無濟矣遂決水俾東與陳公塘會直達廣陵城西連儀真南濟大河北距岡隴平原曠野一望巨浸敵騎登焦家山望而驚焉竟不能濟人民安堵璟之力也

趙淮者葵之孫也德祐間以副將統兵與元人戰於銀樹鎮敗績被執迫使諭李庭芝降淮佯諾之旣至揚州城大呼曰李制使男子有死耳毋降也元人怒殺之棄

其屍江濱其妾焚淮屍拾骸骨抱之赴江死

明王彬字文質兗州人洪武進士授監察御史出按江淮行部揚州會靖難兵至公倉皇爲守禦計括餼糧脩樓櫓飭器械日夜躬巡城上率勵軍士拔鎮撫鄧剛在左右多資其贊畫已而千戶徐政張勝等舉城歸附公與剛俱不屈死

呂家齊字令修郡庠生博學有才名歲乙酉家齊高卧遣僕縱火焚居火三滅乃投井井積屍不能下復整冠帶深夜冒雨赴太平橋望空再拜投河死妻嚴氏守

志課子歷五十餘年督學江南許汝霖作雙節傳

鄧剛一日從剛明初以戰功授揚州衛鎮府沉鷺多謀靖難兵至揚州御史王彬內銳意守禦知剛忠勇以城守任之剛與彬區畫戎務躬巡城上督衆不解甲者七夜指揮王禮謀舉城歸附剛覺執禮及其黨送獄後禮弟宗厚與千戶徐政張勝謀共執剛縋城下殺之宗厚等遂出禮於獄開門降彬亦不屈而死

談三傑廣平人由貢士改授揚州府庫大使兄自省居垣中以劾魏璫去官崇禎起爲御史值闖逆變死國難

乙酉揚被圍閣部史可法委守北門四月二十五日城破返署易吉服登府堂謂太守任民育曰公死城徼員死庫遂與守同死其子大綱入籍江都廩生與僕天喜人衡亦大呼就死

梁于涖字飲光明崇禎進士與史可法同輔福王馬士英害其能除爲萬安令未數月兵猝至城下公死守力盡乃秉燭北拜自經家人强救而兵已入城迫不及死遂見執勒公寫書招焦源家屬否則屠其鄉公曰國破家亡妻孥何恤忍殃及鄉民耶卽招至求並死一處躍

身入江復被攬絕粒三日不死主帥怒繫南昌獄陰使
勸慰公自指鬚眉示之曰此豈覲顏避禍者哉遂不言
死獄中其童僕殉難者五人梁善杜忠龔明張聰同妻
徐氏

郭任建文時官南京戶部侍郎慮燕藩強盛嘗請先除
之後燕兵至被執不屈死流其長子金山保于嶺表後
成化改元乃賜諡文貞享忠臣廟裔孫郭允寧以進士
官四川道御史有直聲至萬曆朝郭梁以德行著于鄉
郡守請正賓筵梁子煥復以仁孝顯煥子天奎與其弟

光先後舉鄉飲正賓世居舊城三百年未遷徙揚之世族無兩也

董潏以明經宰閩沙邑值山寇犯城潏出奇兵擊賊援絕食盡城陷猶率親丁巷戰子若壻皆殲焉身被執罵賊不屈賊斷其首一家死節者五十三人有司上其事賜葬甘泉山之陽贈福建按察司僉事廕子入官

張恒世襲揚州衛指揮使其先本瀋陽色目人永樂間歸附賜金姓恒長身廣額負瞻畧善談論能拊士卒累官淮揚叅將致仕嘉靖丙辰倭由通泰犯揚州撫按卽